

*Yponomeuta sp*



Es defoliacions causades per aquest insècte (lepidoptèr) son intenses e fòrça “vistoses” ena ribèra d’Aiguamòg, era Lana de Bagergue o en Horno, mès non se considèrè alarmanta era sua aparicion, ei mès lèu un tèma estetic qu’ua problematica importanta en sanitat forestau.

Es arbes afectadi pèrden era huelha e son totaument caperadi d’un linçò de seda blanca. Es individus afectadi se recupèren en 15 o 20 dies, en cas qu’er arbe resulte fòrça debilitat, perforadors e hongos pòden atacar-lo provocant-li era mòrt.

Aquest defoliador ei referenciat ena “Revisión del estado fitosanitario de las masas forestales de los Parques Nacionales y Centros PN Aigüestortes i Estany de Sant Maurici” der an 2017, coma *Yponomeuta padella* L. afectant a cerdidèrs (*Prunus padus*).

Indicar qu’existissen d’autres espècies de *Yponomeuta* qu’afècten a d’auti òstes o arbes morfològicament molt semblants entre eri (espin blanc, besurt, pibo, ...),

En cas d’atacs leugèrs, calerie eliminar era branca que conten era bossa tamb es erugues o crisalides. Era luta quimica se poirie justificar en cas qu’er exemplar afectat aguesse bèth tipe de singularitat o qu’eth parçan aguesse un cubèrta vegetau fragila. Ath delà d’açò, resultarie eficaç eth tractament tamb *Bacillus thuringiensis*.